

嘉慶松江府志

松江府志卷六十一

藝術傳

藝者道之所寓而適於用者也專其事者術必精世其業者名必顯故方技一門爲正史所不廢松郡自李景元朱象先而後游情六藝寄興於百氏之說者方術巧藝各自名家技進於道其可忽視因聚而詳次之凡三百餘人至於名位文章昭著當世而旁通曲學者則仍見於列傳中毋若前志之重見複出也

志藝術

宋

何侃字直哉紹定中由儒士選授嚴州淳安縣主簿歸隱

於醫何氏以醫名世自侃始

青龍何氏家譜

李甲字景元落魄詩酒閒尤善墨戲米元章畫史稱之東坡題其畫云聞說神仙郭恕先醉中狂筆勢瀾翻百年

寥落何人在只有華亭李景元

雲間志

宋詩紀事景元題畫云誰撥烟雲六尺綃寒山秋  
樹晚蕭蕭年來往失松口錯認溪南舊板橋

才象先東坡稱其能文而不求舉善畫而不求售曰文以

達吾心畫以適吾意而已

節雲間志

張先宣和中入翰林圖畫局供奉

陳志

白昌工平畫

圖繪寶鑑補遺

元

周貞字子固號玉田隱者讀書負奇氣元貞大德間以醫名浙西瞿運使得熱疾雖祁寒以水晶置水握手中貞曰此寒極似熱飲以附子湯愈衛立禮得寒疾雖盛夏必襲重裘擁爐坐密室中貞曰此熱極似寒飲以承氣湯愈王君海子病癰貞授寸匕藥漱之牙齦出穢血數斗徐以藥餌補之數月瘡王經歷患身輕若行空中貞曰此海毒也以寒涼之劑解之愈趙鶴臯妻病咽乾水漿不能下貞叩以平生所最嗜者獨鵝鴈卽命烹飪進之授以匕棧入口無所苦已而食進病如失一婦人因

產舌出不能收貞以硃沙點舌仍命作產子狀以兩女掖之潛於壁外累銅盆墮地作聲聞聲而舌收其取驗類如此又善繪事精音律至正乙未秋淮兵犯吳境城陷貞杜門堅臥不食飲者九日而卒年八十有二

陳志

曹永字世長華亭人知白子工八法正書學鍾繇行草學二王善鑒古弱冠以蒙古字學進除安州學正秩滿遷

柳州馬樂縣都博鎮巡檢江浙行省辟爲宣使

郭志

知白僕夏汲清亦能畫見畫史會要

衛德辰字立中華亭人以太幹稱書學舍利塔銘

郭志

章彌字拱辰華亭人篤志經史識度清遠未十歲能作

署大字長益有名真行草篆皆師趙孟頫

郭志

莫仲仁華亭人病聾以醫名邑某病蠱衆醫莫療仲仁下峻劑吐蟲數升立愈某病寒逾七日發狂陰且縮法死仲仁徐以常藥理之而平或病痢噤不食七日氣殆絕仲仁投以湯卽納飲食而起有大官病療衆醫爭進仲仁望而走曰雖扁鵲不能爲已出門而殂其神驗若此

顧志

沈光明華亭人以治目疾名先世嘗受術於龍樹師光明克世其學名益盛

顧志

陸怡字悅道嘗在杭州得遺珠直千緡候求者還之尤善

醫大德閒召至京師右丞相答剌罕哈剌哈孫使切脈  
竟曰丞相無疾唯左足大拇指一脈不到時哈剌哈孫  
試其藝先以物約之也欲官之力辭歸賜號悅道處士  
張觀字可觀華亭人居風涇山水師夏圭馬遠又與吳仲  
圭游故其筆意入古觀有硯癖卒後以硯殉俗呼爲硯

子墳

郭志參太  
平清話

徐復號神翁華亭人居南橋其先宋濮陽太守熙遇異人  
授以扁鵲神鏡經遂以醫名世復尤精靈樞素問諸書  
會稽楊維禎病久痢不食復診之曰頃於西門視一劇  
證其脈與公等然公七日起彼不出三日當殂遂投劑

至期愈而閱三日者殆矣維禎有歌紀其事史彌堅文  
暴疾瀕死復視之曰邪陰外薄而內爭也飲藥遂甦  
是人益稱其神復笑曰吾豈以神自功哉亦視強弱緩  
急治之耳北方土厚而氣勁牛羊駝馬之味勝於淮魚  
海錯病實者十九東南土薄水輕氣未充而耗者蚤形  
既虧而賊者甚寒暑一侵則戚然勿勝欲以北方之治  
治之不亡則憊所以攻之而反益之也吾察南北異宜  
虛者充之實者下之本固枝強其疾自已奚神之有哉  
三吳貴人多薦之卒隱不出

陳志參  
本傳

張遠號梅巖華亭人善畫山水人物學夏圭馬遠補古畫



無出其右臨摹亦能亂真

圖繪寶鑑

瞿智字睿夫華亭人博學能詩以書法鉤勒蘭花筆致妙

絕爲黃潛段天祐李孝光張天雨所友重

王逢梧溪集

沈月溪華亭人居青村畫山水人物學馬遠往往亂真人

莫能辨

圖繪寶鑑

沈瑞華亭人得畫法於黃公望爲楊維禎作君山吹簫圖

木石幽潤山水清遠人物器具點綴絕工

郭志

曹煥章華亭人善寫生嘗寫席帽山人像陶九成騎牛及

濯足兩圖

郭志

唐俊卿工造銀器與嘉興朱碧山平江謝君羽同爲能手

輟耕錄

李升字子雲號紫簣居薛澱湖旁善寫竹石兼工平遠山水識者謂其源出王維曝書亭題跋云畫家好手元時特多紫簣李升其一也

何天祥字克善侃曾孫官醫學教諭起危疾如神自青龍鎮遷居郡城之東有壺春丹房楊維禎爲記子士方字

叔剛官嘉興府教諭世稱爲何長者

奉賢志參何氏家譜

衛學古善製墨陶九成輟耕錄載其名

眉公雜識

吳鍾山不詳其名家鍾賈山遂以自號善太乙九宮算術自言其學得之父竹所竹所傳之其父一峰祕不語人

楊維禎訪之鍾山曰先生棄官十年數盈十必變未有  
往而不復者截自四十九而往爲下箸曰某年起某官  
某年移某所某年當調內某年當致仕後一如其言維  
禎作數說稱述之

郭志

明

徐樞字叔拱初家華亭後遷上海龍華里父復元醫學教  
授卽所謂神翁者也樞傳父術兼學詩於楊維禎洪武  
二十八年以薦爲秦府良醫正出丞棗強召爲太醫院  
御醫累奏奇效歷遷院使告歸展墓宣宗親賦詩送之  
遣中官護還年八十致仕有足庵集行世子彪自有傳

郭志

姚暘字啟明華亭人父潤祖元醫學教授好古博雅著聲  
吳越暘少孤事母至孝世其家學洪武中以人材試官  
行人宣德閒除莆田令未幾歸孫蒙字以正沈靜博學  
屢徵不起善醫尤精太素脈巡撫鄒來學素貴倨嘗使  
視病南向坐出手令診蒙卻退鄒乃命坐因曰醫果知  
病乎蒙曰公根器別有一竅出汗水鄒悚然曰此隱疾  
何由知蒙曰脈左關滑而緩肝第四葉有漏以是知鄒  
改容請藥蒙曰不須藥還南京便愈以手策之曰今是  
初七計十二日可到來學卽治裝行果十二日抵會同

館而卒同時有沈元吉者切脈不逮蒙而明斷善用藥

屢起危疾與蒙竝稱

顧志

朱寅字孔陽華亭人永樂初詔求四方工書者以寫制詞  
寅被選授中書舍人官至順天府丞筆力遒勁善作方  
丈書北京宮殿成皆命寅題榜兼工山水嘗寫楊士奇  
歸田圖精妙稱絕子奎字文徵亦善擘窠書由中書累

官大理寺卿

通志

相禮字子先華亭人居七寶鎮滑稽多智略能詩善畫談  
論縱橫不窮尤精于奕洪武中召至京文皇在燕邸與  
對奕賜有龍篆奕具誠意伯劉基嘗贈以序

顧志按陳繼儒畫苑

子先學黃  
大癡逼真

楊青金山衛人幼名阿孫永樂初以坊者執技京師會內  
府新牆壁墜成有蝸牛遺迹若異采成祖顧視而問阿  
孫以實對成祖嘉之問其名曰阿孫成祖曰幼所名未  
改乎方今楊柳青青可名青矣授冠帶營繕所官一日  
便殿成上以金銀豆頒賞撒地四流令自取衆爭拾青  
獨後上愈益重之後營建宮闕使爲都知青善心計凡  
制度崇廣材用大小悉稱旨事竣遷工部左侍郎其富  
貴人方之前代劉元子世其業官至部郎青後以老疾  
乞休卒賜祭葬

陳志

顧子昇華亭人居橫雲山明九章算術永樂丙戌召試第  
高等充戶部令史官福建泰寧縣丞以老乞致仕曾孫  
曦能世其學有詩名

郭志

沈景暘華亭人善卜永樂中召至京師命布卦問英國公  
張輔征南事曰此大勝之兆今日正午當得捷音屆時  
飛檄至報安南平上大悅賜鈔幣

雙志

章瑾字公瑾青龍章氏之後晚居李墟能詩工草書法二  
王而峭健能自成一家尤長於畫所作寒山拾得像春  
江送別圖皆不愧古人同時吳子陵亦善山水

顧志

夏衡字以平宗文子工書法篆隸高古畫師黃子久由中

書舍人進太常寺卿性謹厚廉靜寡欲卒年七十有三

予祭葬著有榜庵集

郭志

朱信華亭人精算術永樂中累官至戶部郎中時覈某處城使信計之當用輒若干既而有餘詰之謝曰此失料灰縫耳如其言度之不失尺寸予倫舉進士爲監察御

史

顧志

章昞如能詩善楷書仕中書舍人

顧志

吳敬字孟寅上海人以楷書生寫永樂大典書成入太學

擢行在吏部文選司主事遷郎中秩滿予四品祿尋遷

太僕寺少卿以疾乞歸正統四年卒遣官諭祭

郭志



張源字復本華亭人居郡城西南隅少業嬰醫永樂中供奉禁廷侍從北巡歷官太醫院院判丁母憂賜乘傳奔喪服闕歸朝景泰中告歸所居有園池花竹之勝年八十有入卒

陳志

俞宗大上海人居竹岡西叔仲幾工書宗大得其筆法工行楷以薦授中書舍人歷吏部郎中致仕進階四品年九十餘卒子珙孫順皆能書珙官中書舍人正統中沒於王事順以卹敘爲國子生仕終南京鴻臚寺寺丞

郭志

金鈍字汝礪文鼎子善畫有父風

圖繪寶鑑

陳常字用恆上海人居漢成里世業儒常傳外氏邵艾庵

醫卽有名永樂十五年遣使下西洋常以醫士從歷洪  
熙宣德間凡三往反恭勤愿慤上官皆器重之嘗言海  
中行以六十里爲二更往反一千六百更爲九萬餘里  
所涉歷自占城至忽魯謨斯三十國子經字宗理世其

業

郭志

沈藻字凝清華亭人學士度子以父任爲中書舍人遷禮  
部員外郎亦以書名孫隆字維昌孝宗御筆改名世隆  
以薦召至京試中庸義楷書早朝詩奉旨授中書舍人  
典內閣制敕文字正德中忤劉瑾罷瑾誅復原官

華亭志

張黻字孟著華亭人書學陳文東勁健有法起家中書舍

人遷大理寺寺副至禮部員外郎弟黼字孟昭官中書舍人篆隸得秦漢遺法

唐熙字孟高華亭人曾遇異人授祕術治病多奇中正統間授太醫院使其裔孫時來精文科唐氏世醫自熙始

魯志

范恩號曰河華亭人世業儒嘗遇異僧貌奇古恩倡里中人檀施僧坐檐下三月不去恩飯之一日僧出錢令市麪躬自作餅解衣置腹上入定移時煙氣蒸空鼻觀香撲餅焦熟向恩曰我今行矣聊以此餅報諸善信食之者得老壽復出地理書數卷卜筮書一冊曰習此可以

自給也遂去恩鍵戶讀之遂精其業於是三吳百越聞  
無不知有范日河范氏以青囊世傳三百年自恩始子  
希魯號玉川生而瘖六歲發聲卽識字稍長博羣籍尤  
邃於易爲人卜筮多奇中馮元成袁太沖至方之管郭  
能鼓琴善繪事嘗作騎牛老嫗圖機山相國以下題跋  
者數十家弟鱗號玉田從弟鯉號玉池竝以占易名鯉  
尤精形家言砂水龍穴妙會入微嘗爲浦南張斗雲葬  
親決其三子發科名後履端兄弟同榜鄉薦他奇驗類  
如此性敦樸好施予士大夫樂從其游年七十四卒會  
葬者遠近偕來焉

范氏  
家傳

顧應文字石泉松江人善畫人物山水尤精釋道像脫去

習氣識者貴之宣德中徵至京未幾謝病歸

欽定書畫譜

莫勝字景剛別字悅清華亭人正統六年歲貢仕至虎賁左衛經歷雅工書畫尺牘流布爲好事所珍嘗繪魚獻

之英廟亟蒙褒賞

莫如忠崇蘭館集

吳子璘山水學盛子昭亦能作枯木竹石

朱謀聖畫史

孫子奕博學能詩尤善脈藥常舉爲本府醫學正科

郭志

陸宣字廷旬華亭人居南橋能詩善畫尤長於傳神山水

不甚工而清淡蕭散無塵俗氣一時名人多與之游

欽

定書畫錄

劉仲理以琴名宣德閒應召奏曲輒當上意告歸上送以詩其孫玉綸嘗以舊賜御札詣縣得免踐更一藝之工

得莛後人松人至今以爲美談

妻志

何澂字徵之天祥孫

奉賢志作從孫誤

宣德閒以醫名鄰人某患

痼疾垂危澂治之愈某感甚命其妻侍寢澂拒之夜夢

神語之曰汝有陰德上帝嘉汝命賜錢三千貫竝一官

未幾召治東宮疾得痊官震府良醫正賜錢一如神言

終明之世子孫官太醫院京師號爲何醫院家

續太平廣記

何嚴字公謹天祥曾孫宣德己酉副貢性溫厚積學工詩

文何氏世業醫至嚴大究其奧宣德中官太醫院副使

子全字廷用領正統丁卯鄉薦特授御醫累擢院使親  
老乞歸御製詩送之孫鳳春太醫院御醫曾孫九經伊  
府良醫正世其業

郭志參家傳

葉藻字惟潔華亭人善行草天順九年舉于鄉歷官太僕  
寺寺丞

郭志

陸友仁名輔以字行華亭人大理卿沈粲弟子也善楷書  
官中書舍人遷禮部主事

郭志

徐彪字文蔚上海人初侍父樞客秦中其邸舍許魯齋遺  
趾也秦王題其齋曰魯庵晚自號希古生正統間薦入  
太醫院景泰二年廣陵王病腫及昌平侯楊洪疾彪受

詔往視皆應手脫然遂留掌御醫陞院判上問藥性遲速彪借人性善惡之旨對問攝生對以內經固元氣之說蓋以醫諫云先是樞爲羅嵩所構逮繫詔獄彪時年十五上書請代文皇帝嘉其孝詔出樞後嵩以罪繫論死彪救之甚力著本草辨明十卷論嗽痢條傷寒纂例各二卷行世

郭志

李柬字敬修華亭人居泗涇少業儒父沒棄去精九章數學宏治閒嘗應詔入都算天下財賦三年事竣例授冠帶辭不就旋告歸

費志

徐霖字子仁華亭人七歲能詩稱奇童補諸生性任放不



諧俗被誣黜落益肆力於詞翰篆法久微自周伯琦後  
獨推李文正東陽霖深入堂室眞行書皆入妙碑版法  
顏柳題榜擅絕一時朝鮮日本爭購其書武宗南巡召  
見行在賜一品服再幸其第命從至京會宴駕不及授  
官而還霖奉母至孝自號九峰道人或呼爲髯仙年七

十七卒

郭志

璩之璞字君瑕上海人人品高潔楷法妍雅絕倫善畫山  
水兼工翎毛及水墨花竹尤精摹印在吳門文氏伯仲

閒

上海志

沈惠字民濟居白龍潭幼得異傳爲小兒醫多奇效有富

家子患痘危劇已治木矣藥之而愈有老媪善治疖惠  
拜受其方媪亡爲治後事惠爲人謹厚謙下無貴賤貧  
富必盡心力立身有繩檢晚號虛明山人徐文貞階有  
詩贈之臨終賦詩而逝同時有玉節之與惠並稱兩人  
相得甚歡遇疑疾必相質正節之子一鳳一鵬皆名醫  
一鵬自有傳

郭志

陸平字以和上海人幼事儒業通大義已而服賈往來南  
北都會閒諳練世故具經濟才善筆札真行草書皆有

晉唐風致子深自有傳

欽定  
書畫譜

張電字文光上海人以布衣從陸文裕深入京師夏文愍

言見而奇之使書御製集禮序世宗見而嘉之遂入史館供事時建皇史宬特命電題額詔賜金幣授鴻臚寺序班遷中書舍人漸被恩遇朝廟典冊必使電書世宗嘗表上上帝玉冊電適在告留以俟者月餘行幸游宴未嘗不從至遣攝大祀諸學士有不得比者累遷尙寶丞太僕少卿太常卿兼司經局正字轉通政司工部右侍郎進禮部左侍郎兼官如故電起布衣至卿貳恭謹儉素始終不渝故受眷獨深年五十一卒於官贈工部

尙書賜祭葬

郭志

朱鶴字公鄰從華亭徙居嘉定高雅有才名爲陸祭酒深

坐客精雕鏤圖繪之技

徐永祿思  
勉齋集

浦澤宇時濟上海人居石筍里少讀書慕漢逸民矯慎之  
風終身不娶與張電俱受陸文裕書法能窮古人波磔  
之妙喜任俠常游吳越燕趙閒晚僦廬僻地惟法帖百  
卷偃仰其中嗜酒好眠或一二日不起人呼爲小癡亦  
曰晏眠人

顧正誼字仲方華亭人任中書舍人精繪事學王叔明吳  
仲圭倪雲林各得神解用墨布景力追大雅其摹黃子

久者尤妙

圖繪  
寶鑑

張鶴溪亡其名嘉靖中以醫名善療奇疾御史包節母年

六十七暴中氣絕積日不蘇羣醫畢集皆曰風中藏腑不可治鶴溪獨曰此氣虛挾痰可下人參劑七日當蘇蘇能言鬼神事衆皆笑之旣而和劑以進如期乃寤道鬼神事甚詳

郭志

何鑾字廷音華亭人四世祖將仕郎侃善醫世傳其業鑾尤精太素脈張副憲以雛僧腕帶金釧試之診鑾曰此脈清如入水珠乃方外孤子不應入公府副憲歎爲神人嘗視馮督學疾知其父以暮年得子及病所由起皆隱中其從曾孫如曾字希魯亦善察脈與孝廉張省廉交厚知其病已深勸其緩赴禮闈未幾果卒某太夫人

有危疾六脈俱沈羣醫束手如魯曰此經所謂雙伏乃

陽回吉兆也一劑而愈

郭志按何氏家譜  
鑒以上並華亭人

喬迨上海人世業醫迨益精其術歲疫夢神人指示水中  
草云以是資爾活此方人旦物色得之以治疫無不立  
起由是顯名子士炎字仲餘少好讀書性狷介名如其  
父有富家子死一日矣士炎以一七投之遂蘇其家奉  
百金爲壽不受士炎子在修字三餘篤行長者其治病  
善用古方精察脈活人甚衆年八十餘無疾而卒

郭志

方鈞字範斯青浦人幼孤力學山水摹倪黃尤工墨竹秀

勁有力同時有袁源者字湘亭亦以竹名

青浦志

陸元聘衛城人善醫能望而決人生死嘗見一童子戲於

地曰噫是兒死矣其父母求拯以藥一丸授之越三日

兒忽腦潰敷藥而愈戒毋食雀後兒竟以食雀死

華亭志

陸恕華亭人精卜筮尤善望氣占星之法言多奇中性至

孝父患危疾然香於臂禱祈身代父疾尋愈年八十四

忽謂其孫庭藻曰吾將歸矣閱三日跌坐而逝

郭志

張懋字勉之華亭人繇太學選新建丞精符咒祈禱雨暘

禁治鬼物皆奇應謁選時陶仲文方有寵世宗嘗出視

字以問仲文不能解聞懋名就訪焉懋爲具釋以進稱

旨仲文欲薦與共事辭之後遣使求異書懋遺書悉入

內府有俞若冰者師事懋盡得其傳

郭志

張德讓字士美華亭人居塘橋不良於行棄舉業作病鶴賦以自況受書法於陸文裕深規撫李北海絕有風格求書者常滿戶飲微醺乃使兩童對執紙素不著几案揮灑立盡亦善繪事

郭志

陸萬里字君羽華亭人善書董文敏其目少貧嘗作書署萬里名市之人以爲贗弗售也弟萬言字君策萬歷四年舉人亦能畫

婁志

陳鯤字雨化上海人性強記會倭亂遂習數學尤精六壬決策奇中張宮諭以誠未遇時鯤占數謂當大魁天下



徐文定光啟姚布政永濟皆於窮困中識之後悉符合其子三省孫杰能世其學

樊志

王一鵬字啟雲華亭人性跡施不羈好與酒人游父節之督過之沈惠獨曰我視此子目力不羣當悉授我術宋侍御定宇孫少慧一鵬謂宋所親曰此子來歲三月當發疹若將發時有傾跌必且無幸明春果疹前三日失足仆亟延一鵬至不投劑而去楊孝廉回山子甫期暑月旦暮啼不輟聲一鵬曰能授我百金則生楊唯唯乃於堂中以灰畫地置兒寢其中戒乳媼不得近少聞兒就寢覺以香薷飲少許下之一服而瘥或問之曰此中

暑氣乳媪體肥兒愈哭抱愈不釋輒不乳臥之冷塊暑  
氣自消晝以灰者愚彼不得迫視耳其治疾多奇效如  
此雲閒以小兒醫獨誇江南者蓋自一鵬始

妻志

張一鳳字隱之華亭人世家子工書畫嗜酒醉作蝦蟆舞  
一坐傾倒目爲癡仙尤善洞簫居西塔街顏其廬曰容  
散孫允執莫廷韓輩皆與之游

妻志

陳允誠字效參華亭人善鼓琴其音和平大雅得古人遺  
意亦善奕晚好乾竺之教年七十五卒子詩字君采亦  
妙解琴理今琴曲有胡笳十八拍詩所造也先允誠卒  
得其傳者爲及門曹可述

妻志

陸垞字舜陟上海人文裕公深曾孫書法北海出入蘇米  
之間董文敏深器之有二陸詞翰之目從孫濟字公謙  
畫宗小李點綴人物獨步一時著有畫史竹譜

上海志

秦昌遇字景明上海人善醫嘗行村落見婦人漸米謂其  
家人曰婦痘且發當不治須激其怒使毒發於肝部乃  
使僕驟抱之婦大怒昌遇曰可矣痘發投藥而愈有林  
某年方壯昌遇視之曰明年必病三歲死已而果然年  
六十豫告終期而卒生平志趣高雅董文敏嘗繪六逸  
圖皆郡耆宿景明年最少與焉著有大方幼科痘疹折  
衷行於世

上海志

宋懋晉字明之華亭人參政堯武從子讀書愛博涉不樂  
爲經生言去而學畫日夜臨摹古迹師嘉興宋旭參以  
趙千里黃子久遺法胥有邱壑自成一家若仙山樓閣  
之屬經營位置莫能過也懋晉風度瀟灑中無城府善

談論好吟詠題跋尤工

郭志參  
畫史

趙左字文度華亭人性恬雅善繪事廬於邑之西郊茅檐  
土銍花藥盈階與董文敏其昌陳徵君繼儒爲畫友

畫志

沈士充字子居華亭人爲宋懋晉弟子得其傳亦學趙左

兼兩家法時名最盛郡人能畫者多師之

欽定  
書畫錄

曹文炳字德章華亭人學於孫漢陽克宏善畫花鳥又從

宋旭遊受畫水法及寫竹石皆入能品年八十餘卒

范從烈字豫所恩孫博聞強記凡天文地理歷數之學無不洞貫著有二五祕旨山牕雜錄所見水城記諸書弟從勳字少峯性穎異舅氏陳大參應元官江右從勳在幕中江右士大夫喜地理家言見從勳輒傾服從勳亦虛心咨訪益括轡頭天星水法之妙以是藝益精名曰盛方伯杜梅梁母穴急宜遷從勳奔告梅梁時爲諸生歲試居三等松俗延師視學使者案梅梁方失館以窘對從勳以二十金畀之卜日遷決其父子丙辛年當發甲巳而果應又爲桐廬邵士斗改陽宅毀離位之山亭

數年雙瞽復明吳興史存詔先生無子爲鑿半月池於  
祖塋生方三年舉子二其他不能殫述也年七十九卒  
陳穀字栗餘華亭人與曹文炳同師漢陽爲著色花木鳥  
獸甚工麗子儀字象之能繼其業兼畫人物所寫屏幀

尤多

郭志

朱蔚字文豹華亭人居泗涇萬厯二十九年武進士善畫  
蘭尤工篆刻同時姚裕字啟寧善畫草蟲有陳淳遺意

婁志

李紹箕字懋承華亭人按察副使日章孫從婦翁顧正誼  
學畫以太學生仕爲南京鴻臚寺序班厯官江西都昌

主簿涉歷多山水勝晚年運筆益蒼老

妻志

朱涵光字子韜號濟川治痧痘如神尤善琴蓄古琴甚夥

金山

志

姚體倫字汝明華亭人參政體信弟官詹事府錄事好吟

詠工書尤善丹青凡作蟲魚花卉隨意點染無不生動

筆意在白陽漢陽之間子士騏亦工書畫

金山志

何十翼字承雲天祥七世孫官景楚二府良醫正隆慶四

年告歸一郡倚爲司命餽遺充斥悉散之貧者里人見

之必拱手加敬稱仁人云

陳繼儒序

曹奇珊字杏川華亭人精於醫遠近延致年八十餘嘗謂

人曰我生平活人萬計愈老愈不敢慢恐耄及而精神

不決也萬厯閒授壽官

金山志

閻邱樞字慎所上海人居周浦性孝友善醫投刀圭立起

董其昌陳所蘊皆有詩文序述之

南匯志

祝慤字雙塘華亭人世居古浦塘後遷上洋以相術遨遊

齊魯燕趙閒多奇中公卿皆折節下交錢相國龍錫未

遇時慤豫決其科第及仕宦陞調歲月上海顧斗英有

詩贈之

婁志

吳中秀字端所華亭人精於醫高仲陽三年不寐諸醫以

爲虛中秀按其脈皆洪曰此膈上頑痰也以瓜蒂散吐



之而愈李某素無疾偶過中秀家爲診視之遽問君有子乎對曰有子十歲中秀曰幸矣君明年某時當患瘍非藥石所療至期驗其名與秦昌遇相伯仲全活無算世尤多其孝友生平貯書數萬卷築天香閣藏之董文敏陳徵君時過從焉著有醫林統宗傷寒備覽

華亭志

董孝初字仁常華亭人少能書爲諸生久不得志遂棄去放浪山水閒中年作畫筆墨簡遠爲時所稱

華亭志

吳振字元振華亭人寫山水宗黃子久董北苑倪雲林數家而於子久筆意尤所擅長

華亭志

顧懿德字原之華亭人畫仿王蒙行筆秀潔屏居東郊罕

酬應得者寶貴之懿德子善有亦能畫

欽定  
書畫譜

東時榮字頤春華亭人精醫江西張植之客游患羸疾時榮視之曰肺爲蟲蝕矣藥之下蟲二十餘形如蜂蛾羽翼皆具復下惡血悉有蟲蠕動百日而瘡有老媪往視女疾途遇時榮船亟呼求渡因請偕往至則女將絕乃覆其身以布沾井水漬委中穴刺血如泉涌遂蘇時榮好行其德每施藥以活人遇危疾輒終夕沈思必求愈之乃已年八十四卒次子自道字太古從子明善字抱元竝爲名醫明善三歲而孤時榮所撫立也

妻志

王承緒字月懷華亭人受業於王一鵬博覽方書常坐肩

輿中手一編曰人各有業業儒讀儒書業醫讀醫書俱不可一日輟有陳氏子患痘且脾泄法謂泄瀉如筒者不治承緒則曰如筒不治謂久而虛極者今痘方作但以穀養其胃氣當無傷遂進以粥泄旋止兒愈其療治多類此時郡中以幼科名者自承緒外秦昌遇曹叔明諸人而承緒尤多奇效子心月世其業

襲志

徐延賞字元識上海人好養生家言精岐黃術常熟令楊鼎熙病久醫罔效延賞決爲痰疾以三劑起之朱總戎文達忽神思有異歌笑不節延賞曰此陰火乘肝也予平劑而瘥懸壺滬濱間人爭禮致延賞以病家供億過

厚常奉齋作戒殺文以勸嘗授太醫院御醫董文敏雅  
重之贈詩曰藥倩韓康賣門容向子過五茸安豹隱萬  
里弄鷗波子霜恩世其業

魯志稿

盧金上海人業醫沈虛明弟子也與華亭王一鵬齊名命  
奇蹇貧窶之家乞其藥立起若受人銖兩之贈卽證候  
變易以此窮困終身後人世其業

上海志

吳昌字昌伯振子能世其業葉芬字清之趙洄字行之俱  
以畫著

欽定  
書畫譜

奚鳳鳴上海人善治癰疽川沙帥蔣其仁患背疽復發鳳  
鳴曰此昔年蘊毒故肌理壘腊也治一月而瘡一日其

仁弟在座鳳鳴曰君不出三月疽發背矣及期果然鳳鳴嘗言癰疽中潰積腐四周非吮之不能盡治病必募人以苦酒虛口而吮之其貧者鳳鳴親爲之吮有張姓者左足拇指腫三年不能行鳳鳴刀破患處扶出一蜂遽起徐步其神異類此

郭志

郭振生青浦人居天馬山能於痘疹未發之前決何經絡先於何處見點及死生順逆一一不爽有郭仙人之名顧壽潛字旅仙上海人尚寶丞名世孫性高介不求聞達工畫董文敏嘗稱之尺幅片縑人爭重之著有煙波叟

詩草

上海志

方叔毅字百里上海人工貌人物神氣生動嘗遊錢塘荷  
擔者竊行李逸去乃寫其形於城闕見者皆曰此某坊  
陳二也因捕得返其橐卒年四十餘

郭志

張希鸞字伯尊青浦人性穎悟習青烏家言萬厯末自錢  
塘至珠家里曰天下兵起卜地莫如此閒遂家焉子孫  
世其業

徐彩鳳字聖期華亭人博綜羣籍著有毛詩博義時游戲  
繪事禽魚花卉取義風雅見者無不歎其工

徐氏族譜

丁遠字自邇上海人品高潔精繪事從喬將軍一琦遊常  
作俺答款關圖一琦戰死歸隱西郭繪一琦像瓣香奉

之子日章字伯含亦以畫名孫世武世祿世緒竝傳其

學

上海志

朱國盛字敬韜華亭人以進士起家歷官太常寺卿善畫山水得小米筆意董文敏題其圖云敬韜作米虎兒墨戲不減高房山閱此欲焚吾硯其見重如此

奉賢志

葉有年字君山上海人癖于畫山水探奇造勝足迹半天下得江山之助筆墨愈工董文敏陳徵君俱重之晚應

肅府聘留爲上客

上海志

曹揚廷字楚石習經史精岐黃術診脈用藥獨有神解全

活多人爲董文敏所推重

上海志

胡維璧字國雍上海人工真草書神宗時太后給高麗資  
青牋敕寫金剛經書成賜賚有加當國者欲引故尙書  
張龜故事薦用維璧固辭子訓之字無競世其學孫懷  
國以醫名

上海志

吳泰字延之上海人詩文書法爲董文敏陳徵君所推重  
著研廬稿摹董蹟勒石成帖崇禎末徵入太醫院後歸  
隱郡之南城

上海志

陳祿工人物山水

圖繪寶鑑

馮習卿華亭人精醫學求治者輒效人以蔬果酬之餽以  
錢則藥不驗也又工吟詠不輕示人人亦鮮有知者

婁志



吳易字素友上海人董文敏門下士書畫得其神髓文敏見之亦莫辨出自易手也崇禎時授文淵閣中書舍人

上海

志

王仙佚其名華亭人精易人以仙目之有無賴子欲敗其術往問卜曰我有一物欲移他所何日而可王曰卽日可無賴子笑曰我所卜者西林寺殿前塔也君顧謂可移耶王取卦復閱不易初辭時適有僧募移此塔於殿後呈請當事消吉移建其奇驗多類此

髮志

宋世德號二懷華亭人精兒醫其視疾必先貧人著慈幼全書范濂爲作傳子道昌號如懷亦善治危證董文敏

書護諸童子四字額贈之著有幼科集要子孫世其業

金山志

王清金山衛人於泰山遇雲水道人授接骨方凡有傷折得其藥立愈傷處接之骨峯峯有聲三日如舊子林孫

榮曾孫壽竝繼其術

金山志

李蕃字价人上海人工山水人物惜墨如金不肯輕作忠

節待問九歌法帖東皇太乙諸像皆出蕃手

竹園李氏宗譜

陳舜道字重華華亭人父聖誠諸生遇異人授以治目方療疾立愈舜道遂傳其業爲人誠篤有還遺金事事母孝母年九十五以壽終猶孺子啼也知府方岳貢請爲

鄉飲賓以德壽題其堂子治典字伯雍名尤噪太倉王  
太常時敏病目坐深閣重幃中醫療之經年無效治典  
診得積寒未解處方投劑以火徐熏目遂張三日自幃  
中出咸驚其神性磊落慷慨子孫繁盛儒與醫並有名

魯志

許實先字名子居西塔衛少從史閣部可法遊好讀書閉  
戶著述一日忽棄去曰天生我才當爲世用因習醫著  
醫書若干種沒後散佚無可考尤之均其外孫也亦以

醫名

妻志

范宏字貫玉華亭人從勳姪也少讀書數奇不售因傳其

家學遂馳名江左崇禎十一年浙江提學王應華素精堪輿之術特薦共視諸陵堅臥不赴爲人遷葬救貧決科剋期立應人有貧不能葬者多曲勸之靡不樂從葬後亦不受謝人咸稱之所著見藝文中子續孫甫霜竝以其業名續自有傳

魯志

李中梓字士材上海人居南匯所城父尙袞傳見前中梓爲諸生有文名因善病自究方書遂以醫名世白下姚越甫以子療悼之過甚忽得疾兩目失明中梓診之曰此傳尸也可下之有蟲如小鼠者三枚兩頭尖者數枚始平復鞠上舍抑鬱蒸熱如焚日囁語戶外事如見診

得肝脈沈曰此名離魂因魄弱魂不能藏遂飛越當急救肺金之燥則魂歸不難耳投劑卽瘥中年徧參尊宿傳衣於費隱老人年六十八歲卒著述甚富見藝文中同時有金時掄字仲材精方術與中梓齊名子葵康熙十五年恩貢

魯志

顧開熙字蒙生青浦人祖居幹山少敏慧好學爲諸生郡守方岳貢深器之中年遭疾閱醫書有得遂從李中梓游盡得其祕療疾若神別駕張憲仲夫人新產暴絕將治含斂開熙令侍婢捫其胃尙溫亟以藥挾口灌之遂蘇學使胡公在格有宿疾發則腹痛嘔血羣醫束手開

熙投劑便愈他治病多類此開熙志在濟物未嘗計利故遠近稱之年六十三卒所著書詳藝文中子術康熙

丙辰恩貢廷試第一有文名

魯志

傅廷彝字禹敘上海人居六竈工書爲董文敏高弟年八

十餘猶作蠅頭細楷

南匯縣志

徐錦字悅生陸家人隱於醫與莫秉清相友善莫有戚病療延他醫鍼左肩卽悶絕鍼亦不能出莫令速延錦錦取鍼鍼其右肩遂拔左鍼去右鍼病若失又有一鍼絕奇人或暴亡有未了事須面屬者取鍼某穴卽蘇俟言畢抽鍼而絕臨沒檢以授其徒曰我死慎勿鍼及沒

倉卒忘戒急取鍼之竟不蘇後試他人亦無驗沒後有鄰婦噉雞卵過飽越日病醫藥罔效其夫夢亡父邀徐來視曰此食蜚過度宜煎淡豆豉服之如法而愈錦無子遺老妻每至困乏必有叩門贈錢米者謂徐先生愈我病令送來也亦能詩有澹軒雜詠浣心草

上海志

王煥字斐公華亭人工山水得輞川嫡派董文敏推重之屏居村巷不染世塵當事購求者輒不應曰吾不能爲侯門畫工著有自怡草三卷卒年九十八

畫識

李紹字承芳華亭人其畫喜做大癡陳繼儒贈詩云詩在大癡畫中畫在大癡詩外卻好二百年來翻身出世作

怪

張漣字南垣居西郊後移家秀水少學畫好寫人物兼工山水遂以其意疊石其所疊邱壑皆有仿效荆關董巨吳王倪黃一一逼肖故畫遂掩而疊石特名太倉吳祭酒偉業有張南垣傳

婁志

周官字伯元上海人御史洪六世孫也幼習舉子業喪父食貧乃業醫諸方書無不洞曉而保嬰尤稱神妙孝友方嚴皆以長者目之崇禎時給劄并冠帶榮之年八十卒有痘疹彙纂諸書子景榮諸生景新景閔仍世爲醫

上海志



褚士寶字復生膂力過人家饒於貲遊學四方無藝不習  
尤長槍槊及手搏二技與畢昆陽武君卿齊名福王南  
渡以兵部員外何剛薦授伏波營遊擊未之官而南都  
破終老於家所傳弟子有王聖蕃池天榮二人池又傳  
於浙江提督喬照

上海志

潘鐵浙江人幼爲倭寇掠入倭性巧滑在倭十餘年逃歸  
僑居松江善爲鑿嵌金銀倭器又有張肇周者亦以冶

銀名於時

續公雜識

王常號爛軒江西人其父卽羅龍文避居上海五十年工  
詩善書尤善鑄鼎

顧志

戈蓼汀善製洞簫

識小錄

張爾葆字葆生寫生入能品尤善山水與李長蘅董思白齊名其婿陳洪綬得其筆法

國朝

曹思邈字魯元原名嘉華亭人初在幾社中傳聞彊記且工書某郡守以百金請書壽屏卻不往子重暉字孝需五歲能草書吳騏周茂源皆以詩贈

錢穀字子璧華亭人諸生爲夏忠節允彝高弟忠節父子授命穀曾收輯其傳略志銘欲立碑墓道其敦誼如此精八法嘗摹古人名蹟書孝經一卷注明某字某帖

點畫皆有依據人爭寶之又集王羲之書作感應篇勒石司農王鴻緒跋其後孫洪源諸生亦善書

馮鏐字天垂婁縣人侍御恩曾孫弱冠爲諸生有聲藝林謙和樂易工書行楷學褚河南草宗懷素迥媚有致乞書者屢滿戶外宮詹沈荃雅重其人

華亭志

陸灝字平遠又號天乙山人華亭人工山水摹有元諸家雅善奪胎與顧大申爲畫友諸乾一進士以陳繼儒白石山莊居之黃雋爲作陸高士入山圖諸名士皆賦詩以贈

婁縣志參畫徵錄

張潛字子晉華亭人諸生工翰墨能詩家貧狷介自守

歲除有貴人贈以脫粟不受與同郡林貞文相友善閒  
有餽遺則受之曰林君固知我者畫山水氣韻生動論  
者謂得北苑之神

婁志

蘇霖字澤民後改名遜字遺民婁縣人世爲名族性迂  
僻不娶喜嫚罵僦居西林寺以繪佛像自娛淳古莊嚴  
筆意似丁南羽吳高士騏嘗題其畫云其人必傳其藝  
必傳

婁志

瞿然恭字欽我婁縣人書學李北海楚人重新岳陽樓  
有仙降乩云必得雲閒瞿然恭書榜好事者訪於郡人  
以幣請書弟然畏從子天潢亦工書

婁志

陳明遠華亭人居高橋里四歲失明稍長通易理卜筮多奇驗著易窮三昧口訣同里金蓬山沈繹堂爲之序至以司馬季主目之垂簾之暇兼喜吟詠年八十而終奉賢

志

沈士棟字梁叔御史時來子諸生精小楷

華志

蔡天槎字羽明青浦人善醫爲太醫院孔目又工篆吳偉業贈以詩云一經傳漢相八法繼秦碑邑令魏球舉爲鄉飲大賓弟昶字賓升工畫球修邑志賓升繪圖子簡宣各以文學著

青浦志

錢柏齡字介維華亭人諸生相國龍錫孫工詩文善書

畫嘗集其祖朋僚書簡裝池成冊朱彝尊題爲十五完人墨寶

何汝闕字宗台天祥十世孫爲人明允誠篤世其家學活人萬計婁令李復興將有均役之舉忽病危汝闕曰賢侯有此盛心天所相也投藥卽瘥巡撫湯文正斌召視疾時海塘久圯汝闕密告宜改石工請發帑無僉義戶湯重其品悉從之稱爲醫中君子提督梁化鳳素重之梁病亟有裨將謀作亂以汝闕故嘗活之陰令其避汝闕卽入告梁夫人請速發家財以安軍心且告且泣夫人感動乃如汝闕指遂弭其變郡邑敦請爲鄉飲賓

沒祀鄉賢

通志參  
奉賢志

金銘字子升衛城人學醫於秦景明療疾如神著藥能

若干卷孫學謙字有祿世其業

金山志

顧昌洛字谿翁華亭人善岐黃術以從征耿逆功授洛陽縣丞署邑篆子以快字麗中繼父業亦以從征功授

明威將軍

奉賢志

葉癡佚其名善風鑑決人富貴夭壽多奇中酒後其術

尤神曾相王侍御廣心決其登第年月一一不爽

金山志

俞宗禮字人儀上海人工寫人物得龍眠白描法嘗以

水墨畫仙佛入神品有耕織圖進

呈子鶴繼其學

上海志

周鑑字以人善二王楷法

上海志

孫肇慶字又章上海人工鍼灸爲太醫院御醫

上海志

張朗性孤介以醫自給能詩善行楷書自成一家

郭志

姚井字中山世居五保善鍼灸活人甚衆所得金輒捐

助戚里之不能婚葬者

金山志

姚世翰字素行華亭人居瑣溪善草書工畫長於草蟲

蘆雁

金山志

黃楷字端右華亭人居南橋畫清拔尤工傳神

通志

謝庭玉字雪吟工篆刻好以水墨寫生其倣米氏雲山



世尤珍重

金山志

金源字來源居洙涇工詩文尤精岐黃術趙柳介贈以

詩曰方術能醫世文章反益貧大都爲計左要亦不逢

辰其生平可概見子秋厓孫守質世其業

金山志

葛潛字南閭婁縣人精篆刻周亮工印人傳錄之

婁志

倪木癡佚其名結廬秦望山顏曰息耕心如槁木隨意

揮灑以雲烟爲供養時人比之倪迂

金山志

胡洵龍字霖生居洙涇善醫能鼓琴子紹昌字思齊世

其業有名於時

金山志

夏之阜字東步居洙涇爲諸生弱冠棄去事軒岐家學

博洽羣書江南諸郡推爲秦越人

金山志

楊陞字幼清婁縣人家貧力學詩文外兼工金石刻書  
宗二王沈文恪荃見其書徒步往訪縱論書法日晡不  
去出脫粟野蔬以供文恪欣然共食陞沒後文恪錄其

詩序之

婁志

馬捷

勝姓

字立山華亭人由武舉官辰州守備能詩善

畫與總制郭濱協有倡和集行世

王簡心字維在華亭人候選州同廣心從弟善山水蒼

勁古逸麓臺石谷稱其得元人筆意書法亦工

華亭志

潘齡字眉頰婁縣人工詩善畫明季偕弟猷避兵周浦

國初遊京師恆親王延爲師梁園應教之作甚見嘉賞會  
聖祖幸王第王以齡畫進呈

上批老筆授職不就曰

臣

布衣足矣

上曰天下有只等大布衣年六旬歸里王以五絕句贈行  
其一曰偶將餘事鬪京華老筆曾邀

天語誇今日東裘歸故里還祈尺幅惠天涯又手書存誠  
二字顏其居許纘曾贈句云山中不愧真高士

殷上曾呼大布衣

南照志

李用粹字修之號惺庵上海人父贊化工醫用粹紹其  
術因心變化獨臻神妙嘗著證治彙補等書商邱宋榮

巡撫江南延至幕府將行書擘窠五字贈之曰行賢宰相事子揆文孫春山竝世其業又有邦俊者用粹從兄弟行也業醫五十餘年活人無算訂正診家正眼證治彙補成一家言年八十六卒孫楷字獻葵楷子廷璧字環英切脈極審慎乾隆丙子大疫治多效

上海志

沈璠字魯珍上海人居一團性伉直晝視病夜檢方書必求效而後已先是李中梓言近人元氣薄尙溫補璠謂邪留不去則成爲實補之病將日甚又經言治病必求其本乃受病之本非專指脾胃而昂火抑水爲不得其平虛有陽虛陰虛而謂大虛必挾寒者謬經言頭痛

耳鳴九竅不利腸胃之所生此義有虛有實如因痰血  
食積者俱宜清胃爲治其他指摘皆原本內經切中士  
材之失浙鹽使噶爾泰血痢月餘用參至二斤轉劇瑯  
以脈實朝用香連晚用保和丸愈之有老婦八十餘聲  
氣皆實如前法瘥著有醫案並手批景岳全書海上尙  
有藏弄者

上海志

葉長源字天來居杜浦精兒醫著儒門保赤一書康熙  
丁亥

聖祖南巡長源倣古隸書獻

聖主寓宇頌百韻蒙

恩獎賞

南匯志

吳焯字啟明華亭人寫人物用鐵線描法筆力圓勁神氣不失上海王俶用游絲描法極精謹中有生動態兩人工夫不相上下而焯尤爲鑒賞家所重

陸鵬字日爲浙江遂昌人僑居松江自號遂山樵性狷僻不事生產畫初學二米房山後參以已意自成一家所居在超果寺南欲得其畫者每登寺一覽樓望其家炊烟至午後不起乃持銀米往易之否則不可得人以癡目之晚客西湖卒鵬同里有嚴載者山水好立奇境性迂僻與鵬略同人目爲怪載聞之喜遂以自名

妻志

吳之械字鎬臣華亭人父三省工書之械得其筆法瘦

硬通神

華志

吳賓字魯公婁縣人人物學小李將軍山水學董文敏

婁志

沈闕字遠渚山水有石田風

婁志

曾奭字西堂金山人工花卉翎毛弟奕字禹甸亦得其

法同時工花卉者唐疇字去非工草蟲翎毛者姚世仲

字素履並有聲而疇水墨牡丹尤爲世所重

金山志

葉欣字榮木華亭人山水學趙合穰復以姚簡叔參之

其爲周櫟園畫陶詩百幅堪爲世珍

謝培字宛鄂華亭人工詩善書兼擅蘭竹與沈浩然錢德震相倡和著有餘霞集以孫穎元貴贈文林郎

李岸字新之善花卉人物尤工寫照

圖繪寶鑑

顧昉字若周上海人居石笋里山水師董巨及元四家骨氣清厚爲畫學正宗嘗作徐凝廬山詩意圖王翬推爲傑作

畫徵錄

葉自堯字階莢與顧昉同里寫山水有真率之致

書畫紀略

陳舒字原舒號道山華亭人僑居江寧工花草設色寫意荒幹亂叢若絕不經意者而結構多姿趣尤長畫荷好用熟紙是其短也閒作山水小景亦踈秀閒冷所題



詩句皆草書頗有法

書錄

曹六韜字君略上海人太醫院吏目貫徹醫理屢起廢疾遠近延治無虛日嘗於逆旅拒奔女年七十餘卒

上海志

志

陳履熙字穆和華亭人居南橋善醫嘗遇異人授以藥草術益神有病已絕及死二日者履熙視之謂其可活灌藥入口竝得再生

奉賢志

王玉如字聲振南橋人精繆篆嘗館洞庭葉錦澄懷堂中鐫石千餘方直以丹泥編成印譜四卷長洲李杲同里黃之雋序之其徒鞠履厚字坤臯國子生頗得其傳

著有坤臯鐵筆二卷印文考略一卷爲之序者長洲沈

德潛也

奉賢志

宋鼎字禹九居南橋精瘍醫能起危疾巡撫湯文正顏其廬孫炳世其業邑宰許逢元母患疔諸醫束手炳獨云無害竟獲痊凡貧者延之雖昏夜雨雪必往不受其

酬卒年六十九

奉賢志

周用泰字丰來華亭人居柘漚港性嗜書藏弄甚富家有二西洞尋樂齋縹囊細帙插架爛然工書法至老不倦有吳某者自武陵來覓食先以所書質用泰用泰憐其貧飲食之且曰君所書未也我代君捉筆或可冀囊

錢耳已而獲資甚厚里中有陳姓者用泰亦憐其貧爲代書百紙獲資給朝夕又有表姪某者貧不能室用泰解囊贈之始得娶人誦其義云

奉賢志

吳士璋字爾馨華亭人居竹岡世爲兒醫士璋尤勤其業邨翁里嫗籠燈叩門躑躅卽往不計酬謝鄉里德之

奉賢志

汪石雲華亭人居南橋爲兒醫有奇術貧乏者予以藥而不受其直一方倚爲司命焉

奉賢志

徐熙景字唐運上海人工詩善書長於繆篆性迂僻乞其書卽素交亦不肯作與至縱筆數十幅不倦有欵崎

磊落之致嘗背臨逸少誓墓帖自謂奪真其子里刻之

於石里字仁美能畫

上海志

吳安字定山隱泖濱號泖湖釣者寫山水氣韻娟秀

圖

寶鑑

童蒙亨字以行善醫遇證疑難能出獨見療之屢著奇

驗性誠篤人稱長者孫致諸生有文名

上海志

莊永祚字天申華亭人徵麟子貢入太學闡試屢絀病歸取醫書徧讀立方自治遂獲痊後爲醫他人謝不能者投之輒效輯醫案若干卷吳騏序之

李磐石字文之華亭人受異方於僧無礙豫決死生多

不爽子天成字顯生世其業著醫驗二卷

金山志

張鶚字凌遠居郡城倉橋之南工寫真其弟子許謙字

在亭居延恩巷工花卉有名

雙志

陸原字伯源居洙涇性高雅筆墨如其人曾畫巫山十

二峯圖賞鑑家稱為神品

金山志

卞久字神芝號大拙妻縣人子祖隨字虞逸工寫真而

久為補圖父子相倚賣畫自給

庚志

沈韶字爾調嘉興人僑寓郡城秀南橋東與上虞謝彬

同為曾鯨高第弟子工寫真

庚志

黃堃字日林華亭人性放誕工繪事禽蟲草木描寫逼

眞又善畫馬

按奉賢志  
後改名河

謝模字宏微華亭人善山水筆墨大雅得子久之神

包爾庶字虞尹善花卉

以上並見  
圖繪寶鑑

曹爾坵字三賓金山人受業沈韶工山水人物得元人

法子鑑式字漢卜亦善翎毛花卉

金山志

簡而文字含章婁縣人性高潔不諧於俗與孟柱爲友  
同居一室孟以岐黃著簡訓蒙自給善以破毫作人物  
山水空鉤數筆生動自然王日藻鴻緒兩尙書皆推重  
之所著有詩法溯源詩韻輯要

婁志

馮守貞字寶初華亭人諸生工書

聖祖仁皇帝嘗問大學士王文靖曰詹事沈荃後誰爲善  
書者文靖以守貞對促人都已前沒矣吳騏輓詩云長  
留翰墨輝今古空自聲名達

晁旒

蔣藹字致和華亭人居張澤善山水

華志

何炫字令昭號自宗汝闕孫讀書過目成誦家世業醫  
炫尤精詣起沈疴愈痼疾如神後以例貢入太學著有  
傷寒本義金匱要略本義保產全書

何氏世傳

潘光宗字耀先華亭人居莊行世業瘍科而光宗尤精  
其術療治如神貧者不受酬轉資參藥提督張雲翼病

衆醫畢集光宗一診卽行再延不復往果不起

奉賢志

朱士忻字式亭上海人諸生工行草

國初諸家如張泌周金然釋興澈周詮皆法二王而士忻

獨好米南宮下筆恣縱結體遒勁與傅廷彝抗行

上海志

施不矜字履謙上海人維翰從子幼夙慧比長遂於醫

有掖父病來者不矜曰汝父無恙汝色青三日後當暴

亡果如言又有娠婦腹痛診之曰此非人胎臨蓐產二

蛇焉劉夢金張以愷皆其所傳著有脈理精要經驗志

奇兼精地理工詩詞畫花卉絕佳近人多宗之

上海志

陳尹字莘野青浦人師事上海李藩畫人物山水花鳥



初甚工細一變疎老有青出於藍之目王原稱其前無

十洲後無章侯可入神品

青浦志

葉洮

一作陶

字金城有年子工畫山水康熙中供奉

內廷作

暢春苑圖稱

旨乞假

賜金乘傳歸

青浦志

董建中字正度華亭人其昌裔孫以國學者授州同書

花鳥得黃荃法康熙四十四年春

聖祖仁皇帝南巡以所畫蟠桃進

呈蒙

恩獎賞旋

命畫扇稱

旨特授湖廣荊門州知州其從孫椿字耕雲居崧宅工山水族叔邦達稱之以四庫館議敘分發陝西試用縣丞

恆湛亦工花鳥

婁志

龔振字又園婁縣人居菱荷潭山水學馬遠子御亦能

畫

婁志

鄒元斗字少微婁縣人工寫生受業於蔣文肅廷錫尤長桃花設色華湛風致嫵媚學使蔣蔚稱其天趣物趣

能兼盡康熙中供奉

內廷官中書舍人

妻志

吳棫字偉山妻縣人居采花涇工院體花草游京師名重一時供奉

內廷晚以老病告歸棫父璋字漢田畫故有名棫蓋能世其學者

妻志

瞿潛字又陶居千山工花鳥雅飭幽艷風神韶亮其水墨者望之亦若設色然

妻志

鄒黃濤字四表上海人以歲貢選虹縣訓導未赴卒畫極工細如趙千里每幅成輒自題以詩非風雅者勿予

名噪一時

上海志

徐賓字公魯華亭人善畫山水乾隆二十七年

聖駕南巡以山靜日長圖獻蒙

賞荷囊二枚

岑嶽字青峯婁縣人工詩善書以其藝遊四方無所遇

晚年歸老於家時同里李如泌字節珊明忠節待問孫

諸生性伉爽亦以草書知名於時

婁志

倪廷梅字大庾工山水尤善梅竹年九十餘卒

婁志

張澤臧字實甫華亭人居大吳橋康熙庚子順天舉人

工詩文畫入逸品與張文敏照書時稱兩絕

木江川  
葉舟字飄仙善花卉晚年唯畫佛像

杜亮采號嚴六善山水喜臨舊蹟故氣韻濃厚意致斐

然

並圖繪  
寶鑑

姚斌字文侯上海人居周浦善奕一日在王侍郎原祁處與婁子恆對局侍郎放筆摹梅道人法以爲旌勝具

子恆負一子乃贈斌有奕譜行世

南匯志

朱淇字武瞻號戢山上海人居周浦會元錦仲子諸生授州判博雅能詩尤工書法臨米海岳可亂真著有聽雪廬稿

陸琳字右廷上海人性嗜古秦漢後金石文字罔不考

訂詩學魏晉書宗文裕家法兼得張東海祕朝鮮人重價購之絲毫不取士林尤重其品

上海志

錢棟字再耘工詩文善病因習醫治危疾奇效姪黼字

印香以善書知名

婁志

童愷婁縣人工寫生曾為董文敏畫行看子文敏書精

一樓額酬之子銓錦亦以畫知名

婁志

吳慶孫字綬紫居張溪諸生工山水能為詩詞

金山志

王略字禹功青浦人工山水得董巨意

今畫偶錄

郁倩字儀臣華亭人善花卉

圖繪寶鑑

鍾期字解伯善畫有烟雲動盪水月空濛之趣

圖繪寶鑑

許縵字曼若華亭人畫學倪雲林詩宗陸放翁與兄經

俱以詩文名

國繪  
寶鑑

董公慶字宣詒文敏曾孫工山水不失家法性不喜酬

應留傳甚少得之者珍如拱璧

金山志

錢錫永字嘉予居裏館驛讀書敦行以醫知名子三省

字師魯世其業爲諸生嘗作景

於丙切

先生傳有汝必無

愧我而我樂爲汝伴我亦無愧汝而汝堪與我偕諸語

人以爲名言

婁志

曹培源字浩修上海人垂璫孫秉鐸太倉爲王侍郎原

祁館甥山水學婦翁而稍變其法鑒賞家有冰清玉潤

之譽從弟培琇字玉川性謹厚畫師黃子久

上海志

朱洪疇居超果寺前善鼓琴能以琴聲決人休咎多奇

中

婁志

張泌字長源上海人廩生工詩古文尤善草書極孳擢  
之態子泰字克廣康熙五十二年舉人工詩文能書

上海

新志

顧允光字闇生官同知畫法合大癡雲林而參以營邱  
之蒼勁巨然之細潤焉

圖繪寶鑑

顧企字宗漢善仕女尤工寫照受業於曾鯨

圖繪寶鑑

徐磐字介鴻衛城人從金銘學醫變化神妙名重於時



兼工詩著有影廬集

金山志

葉必傳字宛初向春子能世其術嘗於府署聞隔壁咳聲詢之其人尙未有病因勸之歸抵家疾發而死

華志

陳浣字無垢川沙人工寫蘭

南匯志

沈元裕字介徵遂於醫海上稱李劉徐沈爲四家謂中梓道深子瞻也而沈尤神妙孫左城繼其業同時朱元賓者號晴庵性狷介爲忌者所擠雖精醫常不售曹黃門一士挽以詩曰驚人句好名終晦起死功高室更貧又有平希豫者善用祕方時稱平怪輯經驗良方若干

卷又有夏澤生俱以善醫名

上海志

滕開基字晉師善畫能詩性愛藝菊多佳種花時羅列  
一室縱客游賞晉接無倦色其自題山水句云綠樹陰  
濃接遠山水聲雲影有無閒高人自得閒中趣曳杖溪  
橋獨往還

上海志

唐玉書字翰文以醫名著有青芸齋詩文集本草刪書  
傷寒類書脈學定本子宗泰字宏文太醫院吏目孫爾  
岐字臨照世其術用藥尤矜慎云

上海志

徐宗泌字鄰侯善水墨花卉焦徵士袁熹題其畫冊云  
終身學圃定屬忘機之人縱心游藝便有通神之筆其  
風格可見子穎柔字仲嘉華亭貢生亦善畫

金山志

施士式字志學婁縣人太學生博學工詩康熙閒遂寧  
張文端考拔闔郡古學第一著有道園詩集書畫亦入  
能品

陸張湘字文漪陸崇字書常俱工翎毛花草神韻生動

張湘青浦縣學生

青浦志

張寶華華亭人山水極秀潤雍正十年海水泛溢室廬

盡沒客河南歸德以終

畫徵錄

陶惟璩字輯五太學生世居白龍潭東葭州牧爾璩從  
子也中歲無子禱天台山有異僧告以廣嗣須行善惟  
璩遵其言僧因授咽喉方歸以其術鳴晚年果得子其

後以咽喉科名者有江式之字輝遠諸生曾祖中鯉歙縣學生得異人授以醫術來松遂家焉祖灝父楫太學生世其業式之工文章善畫尤精於醫

汪日賓字秩東國學生善畫蘭秀逸蒼勁揚州鄭燮以畫蘭自負每謂雲間有秩東我輩當焚筆硯

葉本芄字黍塍華亭人書學二王懷素兼善山水年九十一卒

康泓字澹餘善畫蘆雁梳品亦高世重其筆

趙同字洞如趙文度弟子所畫山水秀色絕倫

王之輔字幼清青浦人精岐俞術康熙中里中大疫之

輔攜藥通衢隨到診視有酬以金者笑卻之巡撫慕天  
顏以博古良醫四字題贈兄之佐字孟賢亦精於醫

吳達號心禪婁縣人禮部儒士工分書畫花鳥兼善金

石刻

婁志

徐子瞻上海人性沈靜凝神按脈決生死不爽時日俗

稱徐仙

上海志

陸天錫字思順上海人諸生文裕六世孫制行端方工

書得儼山家法遠近珍之八十餘猶臨摩不倦子文然

世其學

上海志

朱軒字雪田華亭人工書初師董元宰後益究宋元諸

家人謂其有石田之筆力元宰之名貴文度之天趣

繪圖

寶鑑

張澤榮字道復居洙涇編修起麟子以舉人選鹽城學  
博工詩畫翎毛花卉隨筆點染具有生趣不減陳白陽  
楊錫祐字介眉工醫根據古方參以已見危證應手而  
愈貧者求診必先往人高其誼子朝暉朝陞孫士傑世  
其業著有習醫心錄

上海志

沈軾字梅占居菱荷潭花卉師呂琮琮字又周畫入能

品東郊人

妻志

張智錫字學之上海人工篆刻蒼古遒勁有蠶尾盤屈

之勢

上海志

王睿章字曾麓南隄人居航頭工鐵筆學古而無迹自謂妙處全在神韻名與莫秉清張智錫相鼎峙卒年九十八有醉愛居印賞子岡字南石繪山水極高古嘗游京師爲尙書董文恪邦達客畫苑供奉半出其手其得意處近倪迂舊志云善寫禽魚花木爲時所稱蓋其餘事耳

上海志

徐大楫字若濟上海人樞之後也少敏悟承其父天澤學發明靈素諸書活人甚多著有脈論辨譌醫宗粹語

上海志

侯良暘字石庵上海人工書善畫學以草書法任意揮

灑形態逼肖山水亦蒼秀

今畫  
偶錄

徐啟晃字震初工詞尤長小令分書學王西廬與陳供

奉枚朱孝廉鎮季茂才駿結西郊吟社居白洋灘

妻志

曹建中字心一青浦人知白十八世孫廩貢生性豪邁

重然諾工書法集諸家法帖刻石爲愈愚齋碎眞帖四

卷碎錦二卷又刻先世名人留題記詠爲愈愚法帖四

卷

青浦  
志

趙秀字文楚南匯人居北蔡由諸生貢成均周洗馬金  
然其外祖也金然嫁女練裳竹筍女乞父所書充物箱



篋及生秀教之書秀肆力臨摹得其神似後從涇南司  
寇遊所學益進其後有趙訥字蛟亭居趙行莊廷機字  
子善居川沙並以書名

南匯志

強行健字順之號易窗上海人倣宋元諸家山水縝密  
有法醫學宗朱震亨著痘證寶筏傷寒直指分隸亦高  
古竝工繆篆後改名健

上海志

薛鳳字宗梅蔣莊人爲瘍醫一日見鄰嫗知其將發疔  
毒喻之曰不治必危殆嫗未之信也閱日毒發果死著  
有薛氏祕傳二卷

華志

李藻字鴻文金山人子熾字昆陽能以色脈豫知當患

何病決其生死尤精瘍科屢著奇效人謂其藥皆購自遠方不惜重價得之故非他醫所及郡自潘耀先後能起危證者必推松隱李家近今數十年罕有也熾子培淦世其業然不逮其祖父云

嚴穀緒以字行婁縣人善醫應手輒效乾隆閒郡大疫穀緒活人無算路遠及貧者不能延請因究歲運司天之旨刊刻分送他醫用其法者亦無不效無子生一女適張宗美亦善醫

宋景祥金山人子函可竝以治痘著有鄉人先延函可至其家函可謂不治其人以獨子故復求景祥景祥往

視曰尙可生晚來取藥歸責函可曰某家兒曷爲輕棄  
對曰彼赤貧安所得藥而治之景祥曰已許其生矣乃  
手煎一甌付之得不死蓋藥用人侵鄉人不知也其仁  
厚如此函可醫不及父又非重酬不往人以此薄之

葉其綦字杏林工詩精醫理有諸科指掌行世孫中樞  
有孝行亦傳祖業著學醫正命一書

南匯志

張以愷字林菴上海人業醫有神悟屢著奇效自奉甚  
薄遇貧者傾囊助藥資年八十九無病卒著有醫論解

林菴醫案

上海志

管瀛字端人婁縣人居錢涇橋業醫子恩字坤培諸生

有文名

婁志

徐有琨字惟揚婁縣人工金石刻

婁志

沈季白字再枚婁縣人工山水人物花鳥家貧不自愛

惜每畫成輒借署他人名

婁志

王萬誠字平巖婁縣人國學生湖南叅政葉滋子讀書

兼精星禽之學嘗自推某年月日有厄至期果卒

婁志

唐錕字質夫婁縣人工隸書兼音律

婁志

汪照字助明婁縣人與從弟炯杰均善繪事照尤工翎

毛花卉亦工隸書

婁志

諸廷輝字雲階婁縣人子暘初俱以畫花鳥名

婁志

黃厚燧字復光號千頃其先同安人厚燧占籍華亭爲府學生居外館驛書法二王乾隆五年知府劉堯裔修府學成宮允黃之雋撰記而厚燧書之

婁志

俞信字克友婁縣人性誠樸書撫顏柳年七十餘卒同時金鵬字搖南居黃家潭少從周太史彝游工書東嶽行祠奉高臺三字雄肆中仍有章法竝善醫

奉高二字見史記竝

曹植詩婁志

陳枚字載東又字殿掄號枝窩頭陀婁縣人畫初學宋人折衷唐解元寅參以西法能於寸紙尺縑圖羣山萬壑以顯微鏡照之峯巒林木屋宇橋梁往來人物色色

具備其用筆之妙與巨幅同雍正四年以供奉

內廷勞績

賞給內務府郎中銜給假歸娶

恩賚優渥藝林榮之兄桐字筠亭號石生工畫草蟲花鳥  
點染如生弟桓一名詩桓字岱門性狷介工詩嗜酒兼

好禪悅畫法仲圭雲林以天趣勝

妻志

李掄字志良號笏溪妻縣人工山水人物花卉翎毛一  
時名重

金銓字量玉妻縣人青浦學歲貢生候選訓導性瀟灑  
有晉人風詩不多作有雋語書亦秀勁兼業岐黃年六

十九卒子敷五字馥萃諸生世其業

龔志

朱鼎玉字光被號荆山晚號約夫婁縣人司業大部七

世孫能詩兼工篆隸及繪事與兄鼎揆及金珏輩結詩

社於黃家潭上著有自怡集二卷

松江詩鈔

謝鵬字在雲婁縣人監生康熙閒効力河工議敘州同

雍正閒官保李衛以醫薦授太醫院院判以年老乞歸

卒弟鶴字披雲號北堂候選州同能詩亦精於醫名噪

江浙性好施戚友及就醫之貧乏者悉力周卹著北堂

詩稿四卷傷寒摘要六卷

李駿字克紹婁縣人諸生居黃家潭書學趙孟頫兼工

山水

婁志

單岳字書巖婁縣人善丹青尤工花卉

管世昌字宏道婁縣人居楓涇真草隸篆皆工子淮木

乾隆十五年舉人任廣東遂溪縣知縣

婁志

王鼎字茗原婁縣人歲貢工山水

婁志

韓雅量字復雅奉賢人歲貢生工畫山水規撫宋元書

兼善八分

奉賢志

陸大鼎字元文南匯人文旺九世孫占華亭籍爲諸生

食貧嗜古尤好象緯堪輿輯周天經緯考十卷

南匯志

顧景豫字立先南匯人工寫照

南匯志



薛崑字荆山南隄人能鼓琴尤善寫照堦馮茂椿門人

劉德潤傳其業

南隄志

閔爲鉦字庚西號鱸鄉南隄人瑋季子嫺吟詠善寫花鳥廚畫收藏人以不得鱸鄉筆爲恨子樂亦工篆法能

彈琴

南隄志

程佃號笠父南隄人畫山水用筆沈著見名畫必臨摹得其神理乃已同里唐辰亦工畫年皆八十餘

南隄志

陳元鳳字鶴坡南隄人業醫辨證詳慎獲全者衆

南隄志

顧秉智號若水南隄人諸生性高曠不樂仕進工山水

閒作寫意花卉入能品

南隄志

徐昌昇字仁功婁縣人居超果寺西歲貢生任天長訓導陞廣州府經歷通靈樞素問治疾多奇效晚年移家天長子學文從子良翰皆能醫而良翰尤通形家言婁志張秉乾字啟人華亭人業醫得婦翁施立人傳多奇效性端厚有陰德嘗有偷兒入室燭之乃鄰家子也給米三斗令改行其人感泣卒爲善士一婦就診察其言有桑中者微詞導之婦愧悔遂謝絕鄰居不戒於火延燒殆盡秉乾室巋然獨存子潤貞歲貢生軒貞增廣生錢長澤字東匯婁縣人中書舍人芳標孫家世名族至長澤遂中落善奕爲能手時楓涇有王韞葆者嘗詣郡

訪高手對奕郡少年易之約每局負者出銀若干韜葆欣然就局郡少年屢負乃免長澤往長澤纔下數子卽推局起曰吾已負矣郡少年強之終局長澤果負一子韜葆得以此成其名長澤智不出一枰然外和內介布衣蔬食處之晏然人重其高致

婁志

徐翊漢字葆華婁縣人性聰穎長於甘石之學尤通九章算術郡以製刻漏自鳴鐘儀表名者自翊英始弟翊淞亦能爲儀表

婁志

馮淇字穎明婁縣人善書能鼓琴兼習醫年九十六卒同邑顧少月佚其名以幼科著

婁志

葉鳳毛字超宗號恆齋南匯人忠節孫書法初學趙吳興後參李北海蘇靈芝諸家肥不掩其骨行楷尤工閒作翎毛花卉亦復生趣盎然

墨香居畫識

王詒燕字翼安號棧齋華亭人相國文恭孫工蘭竹有石刻行世

王震旭字麗初婁縣人總憲九齡曾孫候補郎中畫花卉得黃筌法賀秋水英嘗主其家行枝布葉設色鮮妍盡窺其祕一時罕有及者

徐璋字瑤圃婁縣人善畫山水花木草蟲並入能品纖造圖拉薦入畫苑旋告歸璋嘗畫松郡先賢象自全思

誠迄陳子龍凡百餘人黃宮允之雋序之尤善寫真用生紙自璋始子鈞字均亭九齡工署書蚤天錫字寄峯

世其學

婁志

唐景字靜安號匏叟以舉人官資州州判山水倣四王下筆不苟每作一幅逾月乃成兼工隸書與陳桓朱龍鑑張昀稱四名家

張紹祖字篠田婁縣人國學生工山水與太倉王昱齊名從弟昀亦善畫乾隆丁丑以畫冊獻蒙

恩獎賞

婁志

沈映輝字朗乾婁縣人附貢生工山水嘗以畫見稱於

董富陽乾隆乙酉

南巡獻詩畫擢第一給事

禁中畫避暑山莊圖十二幅

賜予有加弟承煥字炳君亦善花鳥

畫徵錄參墨香居畫識

高鑑字可佩華亭人諸生博通醫旨其治病善用張景岳書所治輒效御史王顯曾爲立傳同時以醫稱者有施大初何大川胡賡和竝能治療鑑尤長於溫補云

李枝源字天和上海人監生殫精醫理自靈素外凡方家論著無不徧覽以爲無出仲景傷寒論覃思數年遂精其業雜證亦應手輒效著有醫學指要

上海志

秦之楨字皇士南匯人裕伯裔孫習醫得從祖昌遇真

傳撰述甚富

南匯志

王曰煜字爲章南匯人沈璠入室弟子也遂於醫屢起危疾貧者不受報更以藥施之上海令何自懋以經綸濟世額給之年八十八卒

南匯志

俞必達字曰孜號西原南匯人衛庠生業醫性孝友與同郡范芑野侍御善侍御嘗貽書招入都以母疾辭母亡乃俶裝北上爲大學士蔣文肅療其孫疾恭值

高宗純皇帝以藻河鯽

賜相邸文肅卽寫魚藻圖爲贈名噪都下延請無虛日屢

薦北闕不售卒吳侍郎省欽志其墓子廷選蒼溪縣典

史

南匯志

王敬義字協中上海人從劉夢金游遂傳其業以良醫稱就治者無虛日著有疫癘溯源女科選粹子筠字瞻

菴亦有名

上海志

何王模字鐵山號萍香炫子奉賢諸生爲青浦方氏贅壻徙居斡山遂著籍焉習岐俞術名與父齊方伯增福贈以額曰扁鵲重逢工詩格在誠齋放翁間年八十一偶示微疾誦偈曰鐵山老人堅似鐵瘦骨撐持多歲月九九總歸八十一千丈麻繩一箇結湛然而逝著有倚



南軒集四卷萍香詩草二卷子雲翔字北海太學生世其業

康時行字作霖婁縣人監生善岐俞術活人甚多僑居吳門時薛生白方以醫林尊宿著書詆譏葉氏獨重時行其家有疾必延時行診每疏方輒當意由是知名著有  
三皇藥性考

姚廷鑾字瞻祈婁縣人諸生精堪輿術明太僕卿林景賜舊宅子孫居之不安延廷鑾相之曰宅中有古帝王寶氣氣今已洩宜撤去以水鍼測其處掘之得古錢一甕古劍一口凡測地中物無不奇中著有陰宅集成陽

宅集成二書行世

王之瑜字繹史南匯人能詩善醫兼寫花鳥竹石書法  
與諸生葉柱齊名柱字起潛十齡能作擘窠書

南匯志

徐僖字松坪明司寇陟五世孫工篆刻子奕蘭世其學  
竝擅分書

楊志遜上海人貌清癯終身不娶博覽星卜地理諸書  
多奇中尤精六壬數晚好丹經年八十無疾卒

侯梅字來英婁縣人居花園浜工山水人物自稱鋤花

布衣

婁志

張受祺號式之華亭人監生精青鳥家言爲洞庭山嚴

氏擇葬地奇驗所著有地理正義六卷地理知新錄四卷易象略一卷梓以行世

陳澤泰字茹征號雲村有經世才爲諸生時所交多知名士屢以詩賦受知學使者卒不售遂習堪輿與同郡盛邦直齊名在吳中名噪甚著有春柳草堂詩文集四卷別著陰陽宅鏡六卷

盛鈞字邦直邃星命之學尤精堪輿爲人葬親救貧決科多奇中同時張采文凌吉人葉彭年戴鴻均以術稱倪克讓名世式以字行亦稱倪癡上海人能詩善奕爲郡冠時有吳裴章者初遜倪後從施襄夏遊遂與倪埒

嗜酒以醉死

上海志

雷增字書廷華亭人寫山水尤擅畫龍時稱雷龍又有尹翔者千夫長也亦畫龍爲時所重

朱嶠字巨山上海人工山水及人物花卉兼善寫真喜作徑丈高松其山水用長留天地閒印與花鳥用古淡印皆其得意之筆

陳鍊字在專號西庵華亭人能詩善書能以素師法寫古鐘鼎文高古奇雅章法絕妙其得意者遠過金壽門工篆刻著有秋水園印譜沈大成序之又有適安草堂詩鈔若干卷

顧柱字滄洲號竹坡婁縣人工詩善畫山水得李成范寬法長卷巨幅尤其擅長弟楨號石坡亦能詩有竹石

居詩草合刻

墨香居  
畫譜

楊汝諧字端揆號退谷華亭人詩饒清逸書學李北海雲麾嶽麓諸碑其寫墨梅亦有北宋遺意

張希賢字若愚號石娛上海人布衣能詩善洞簫鼓琴游京師侍御曹劍亭雅重之歸益困嘗主羅燾家燾字荀四監生工行草詩詞竝超雋

毛棟字侶騫號迂軒川沙人諸生工書年九十餘染翰臨池無閒有石刻翼經堂帖行世

王孫耀字鳳超號秦樵金山人工山水人物倣元明諸  
家俱能神肖而其自運之作亦脫去凡近

王錫疇字心耕婁縣人工指墨山水人物每月朔望虔  
寫觀音大士像隨手換形無一同者發願寫足一藏施  
送有明代蔣子成之風

何世仁字元長青浦人候選布政司理問祖王模父雲  
翔累世名醫世仁尤神望聞之術有金山某求診者曰  
爾曾溺於水平其人曰然與方卽愈人問何以知其溺  
曰色黑脈沈故知之嘉興沈某妻求治癥世仁曰是姪  
也可勿藥沈固無恙請按脈曰爾胃氣已絕不久且死

沈大怒去卽死其妻果產一子病者集其門舟車雜遝  
至塞衢巷不以貴賤貧富異視務得其受病之由故所  
治皆應手而愈性慷慨宗黨乞貸罔勿應獨力刊行陳  
忠裕公遺集卒年五十五著治病要言薛山草堂醫案  
各若干卷

墓志

李宏金字侃勤號天池青浦人國學生精瘍科遠近延  
致其奇效處不減李鴻文貧者不受酬更施以藥時同  
邑陳學山與宏金齊名善治危證亦近日醫中之矯矯  
者

王鎮字泰巖婁縣人不烈從孫監生善隸書精岐黃術

能治傷寒北郊湯某盛暑壯熱九晝夜勢甚危殆諸醫爭以黃連石膏投之熱愈甚乃延鎮診徐問病者思飲否曰思飲甚曰思飲水平飲湯乎曰思飲湯甚遂主薑附定方一劑熱退不數日瘥嘗語人曰習醫而不知易必無合處年六十餘卒著有醫案藏於家

戴培椿字菱舟婁縣人監生精於醫胡氏兄弟三人賭食藕傷僵臥不醒培椿令急飲漸米水汁而愈或問之曰藕竅實米煮易爛米汁能敗藕耳有貧者患腸癰培椿曰須飲麻子油通則不痛潤腸解毒無有踰於此者數服果消有女人患癰久不愈培椿令食川產貝母他



醫未信培椿曰諸君讀葩經未熟耳言采其蟲蟲卽貝母朱子謂能消鬱結之疾也服之患漸平著有花谿醉漁稿治目管見等書

沈梅字良佐華亭人監生工書小楷有晉人法度尤善奕松郡前推錢長澤爲能手梅繼起能與之抗

胡鼎崧字峻峯青浦人恪靖公季子監生畫山水師吳門翟大紳其蒼秀處大紳不及也每一幅成遠近爭購藉以奉母惜年未三十而卒

馮金伯字南岑南匯人以例貢官句容訓導工書善畫山水倣北苑氣韻生動詩詞亦工所著見藝文志

葛泳字孝思婁縣人太學生工書喜仿張司冠照筆意  
極得神髓偶假司冠名署款見者莫辨真贋亦工丹青  
而頗自貴重人不能多得病亟時引鏡作白描體自寫  
其容雖疏遠之人披圖類能識之

毛國祥字維瑛華亭人少業醫精究其奧有延之者風  
雨昏夜徒步不辭也乾隆乙未郡守青田韓錫祚患瘰  
閉諸醫束手國祥至一劑卽愈金氏女患喉痺氣已絕  
矣灌以藥卽甦他治效多如此尤精瘍科前後守令並  
給額旌之同時祝國泰號橘香丁岷來及其子履恒並  
爲時所重丁尤精瘍科所居在神仙巷

莫勳奉賢人諸生性蕭灑能鼓琴兄澄亦諸生工書畫  
勳書法極似葉進士松亭

徐桂馨字依雲婁縣人諸生工書善畫山水宗董文敏  
閒繪人物花鳥亦極天趣